

蘄州志卷之八

知蘄州事夏津潘克溥纂修

職官志

名宦

蘄在昔稱重地宦斯土者自鎮撫觀察至於牧守令長往往多名公卿前志所採錄詳矣

國朝釐定官制以來慎重職守人思自立其比迹前烈者胥以次增入使來者有稽焉志名宦

隋此下至元官制不一概難分類編次明及國朝始以類從

蘄州志

卷之八

名宦

王世積闡熙新罔人容貌魁偉腰帶十圍有人傑之表高祖受禪封郡公高穎美其才能甚重之授蘄州總管平陳之役以舟師自蘄水趨九江有功進位柱國

詳隋書本傳

唐

員半千字榮期齊州全節人武后時入宏文館為學士有清節武三思用事以賢見忌出為豪蘄二州刺史半千不顯任吏常以文雅粉澤故所至禮化大行睿宗初召為太子右諭德

唐書本傳

伊慎字寡悔宛州人通春秋國策天官五行書李希烈反曹王臯拔爲大將會賊沂江徇地臯授慎兵與賊戰大破之拔蔡山尤力遂下蘄州卽拜刺史封南充郡王天子在梁州包信轉東南財糧次蘄口賊遣驍將杜少誠以兵萬人遏江道不得西慎擊斬賊將許少華漕無留難

唐書本傳

呂元膺字景夫鄆州東平人有器識德宗時爲蘄州刺史頗著恩信嘗除夕錄囚囚泣曰某父母在歲旦不得省膺惻然悉脫械縱之而戒還期吏白不可膺曰

蘄州志

卷之八

名宦

二

吾以信待人人豈我違如期俱至自是羣盜感義悉避境去

唐書本傳

韓臯字仲聞京兆長安人王叔文用事臯嫉之謂人曰吾不能事新貴從弟曄以告叔文叔文怒出爲鄂岳

蘄沔觀察使

唐書附韓林傳

韓思彥字英遠鄧州南陽人蘄州錄事參軍嘗過汴有張僧徹者廬墓三年詔表其閭請思彥爲墓志餽繒二百不受徹因請乃受一縑命其家曰此孝子縑不可輕用其清介類是

唐書本傳

張舟斬春王簿勾會敏給人稱其良

舊志

朱

王禹偁字元之鉅野人咸平初知黃州州境多怪禹偁  
手疏引洪範傳陳戒且自劾帝詢曰官云守土者當  
其咎帝惜禹偁才即日命徙蘄州謝表有云宣室鬼  
神之問敢望生還茂陵封禪之書已期身後帝曰禹  
偁其亡乎未踰月卒

宋史本傳

明鑄字化基密州安邱人進士第補蘄州防禦推官  
改大理寺丞沈鷲有謀能斷大事

詳宋史

蘄州志

卷之八

名宦

三

聶冠卿字長孺歙州新安人舉進士官大理寺丞左遷

蘄州判嗜學工詩有蘄春集十卷

詳宋史

楊偉字子奇天禧元年獻頌召試學士院賜進士及第

試秘書省校書郎補蘄州錄事參軍

宋史本傳

錢易字希白臨安人吳越王孫太宗時通判蘄州上言

今四方長吏競為殘暴非法之刑非所以助治請除

之上嘉納焉

通志

劉沆字衝之永新人天聖中知蘄州有巨姓尹氏偽券

侵田沆鞠奪之人服其明

舊志

李宥字仲嚴覺之子青州人大中祥符五年進士遷集賢校理遂直院知蘄州歲凶人散委嬰兒去者相屬於道宥令吏收取計口給穀俾管婦均養之每旬閱視所活甚衆或殺人以米十石給傭者使就獄曰我重賄吏爾必不死宥得其情論如法 宋史本傳

呂誨字獻可開封鄆城人治平中爲御史時議尊濮王典禮誨力陳不可又彈歐陽修首建邪議併劾韓琦曾亮公附會出知蘄州尋徙晉州加集賢殿修撰知河中府 詳宋史

蘄州志

卷之八

名宦

四

范純仁字堯夫蘇州人仲淹子也皇祐元年進士及第治平召爲侍御史時方議濮王典禮與御史呂誨等論奏不聽純仁還所授告敕尋詔罷追尊純仁請出不已遂通判安州陞知蘄州 宋史本傳

林大年錢塘人逋兄宥子英宗時侍御史連被臺移出治獄不肯行爲中丞唐介所奏降知蘄州卒於官 宋史

附林逋傳

李潛贛州興國人治平中進士授洪州叅軍歷知蘄州

志識警拔事主以忠 舊志

孫昌齡熙寧二年任殿中侍御史論新法忤王安石貶

蘄州通判 詳宋史

張商英字天覺新津人嘗降知蘄州從祀名宦

秦希甫字辨之元豐間進士為陝西轉運判官以言罷

職尋遷蘄州

蕭服字昭甫廬陵人第進士張商英當國引為吏部員

外郎送邊使疾於道既愈還舊職以父老得請知

蘄州 宋史附沈疇傳

虞策字經臣錢塘人登進士第元豐間任蘄州通判時

蘄州志 卷之八 名宦 五

蔣之奇以仁惟發題上計神宗訪東南人才之奇以

策對權龍圖閣學士 詳宋史

劉拯字彥修南陵人進士及第神宗時官監察御史蔡

京編元祐黨籍拯歷陳漢唐黨禍京怒出知蘄州張

商英入相召為吏部尚書

梅執禮字和勝浦江進士官給事中以詩規宰相王黼

黼怒罷顯謨閣待制出知蘄州 宋史本傳

余童徽宗時知蘄州歲饑賑濟有方盡括境內人戶第

為三等量口貸之又度五邑地均粟置場立法伺察

民以爲便

韓世清知蘄州賊劉忠犯境世清與戰破之

王玠字介玉長州人侗儻能文黃庭堅謫鄂玠以文贄見甚爲庭堅稱賞紹興初孔彥舟爲舒蘄鎮撫使徒蘄口聘玠爲幕屬或止之玠曰吾慮之熟矣彼方駐兵於此倘能息其暴戾可以安全鄉井固非爲玠一身計也遂佐彥舟辦公及彥舟謀叛問計於玠玠開陳百端諭以順逆彥舟怒囚之越數日又問玠爭益力大罵曰逆賊恨不斬汝萬段彥舟縛玠並其家屬

蘄州志

卷之八

名宦

六

俱沉於龍眼磯時紹興二年六月十三日也玠嘗有讀楚詞詩意以原自况及被害郡人悲其志爲立廟磯上周燔賦哀詞刻於石今與王彥明同祀烈士廟

按王玠非蘄職官以嘗佐彥舟辦公且哀其死事之烈也故舊志列宦績今從之

章燾宣城人孝宗時知蘄州寬平不擾蘄產竹篔簹例充

苞苴燾悉罷之

通志

汪安行績溪人紹興間登第教授蘄州有政聲孝宗稱

爲樸直道家老子遷朝奉大夫知澧州卒

舊志

李宗思乾道中教授遷建學舍切磴生徒朱子嘗稱其

日力有程不獵不惰非俗吏所及 記詳藝文

施温舒淳熙間知蘄州刻震澤語錄於州

葉適字正則永嘉人淳熙廷對第二除太學博士朱晦

菴爲林栗所論適上疏言非是出知蘄州治務簡靜

歷官至侍郎世稱水心先生 詳宋史

范應鈴字旂叟豐城人開禧元年舉進士丁內艱服除

通判蘄州治有善聲 宋史本傳

李誠之字茂欽東陽人嘉定中知蘄州金人犯境誠之

率兵奮擊殺其將卒數十人金使持書來脅降斬之

蘄州志

卷之八

名宦

七

還其書會黃州失守援兵不至城遂陷子士允士宏

巷戰死誠之引劍自刎妻許及婦若孫赴水死事聞

贈朝散大夫封正節侯立廟祀之 本傳詳藝文

秦鉅字子野嘉定間通判金人犯境與知州李誠之協

力禦戰城破歸署呼吏人劉廸火諸倉庫乃赴一室

自焚有老卒冒火挽出之鉅叱曰我爲國死爾輩可

求生掣衣就火死子浚灑從死同時死者贈官有差

本傳詳

藝文

阮希甫州教授金人犯境同李誠之秦鉅等死難贈通

直郎

趙汝標州防禦判官金人犯境同知州李誠之等死難  
贈承務郎

林榮蘄春知縣城陷同李誠之死

寧時鳳字翔夫浮梁進士補州判官金人犯境知州李  
誠之檄時鳳共守卒死於難贈承務郎

杜諤州錄事叅軍兼司戶金人犯境殉難贈承務郎

嚴剛中蘄州都太監轄蘄州鎮倉庫金人犯境從李誠  
之等死贈承事郎

蘄州志

卷之八

名宦

八

孫中蘄統制官與金兵巷戰死

江士旺陳興曹全邱十俱皆小將與金兵戰死

李斌軍士與金兵戰死

趙與裕州司理叅軍金兵逼境率民兵百餘人奪關出  
外求援僅身免全家十六人皆歿

以上俱舊志

王寔字定叟東陽人少有奇氣理宗時知州事建脩學  
舍及忠臣祠嘗貽書丞相杜範乞置瞰江三新城蘄

春於龍尾磯安慶於孟城滁陽於宣化不報

南宋書本傳

孟琪字璞玉棗陽人嘉定十年金兵犯襄陽與父宗政



屢立奇功端平二年以主管侍衛馬軍司知黃州節制蘄黃四郡蘄守張可大委郡去珙指畫戰守保障一方特賜金椀以旌其功

詳宋史

王益知蘄州政尚寬和景定四年元兵據白雲山設砲

臨城益趨保鴻宿洲後開麒麟山立今治

詳宋史

程璧貴溪人通判州事元兵圍蘄太守徐羿逸去璧歛

歔奮發申明大義率城中人日夜捍禦敵不能犯踰

旬出奇兵擊之圍解

舊志

王彥明守蘄州元兵壓境力戰糧乏率家屬乘船至城

蘄州志

卷之八

名宦

九

西中流鑿船沉死州人哀其烈立廟於死之北岸祀

之記詳藝文

按彥明蘄春縣令非守也查蘄州自移治以來元兵

未嘗壓境考之宋史理宗紀及元史世祖紀對勘自

明茲因廟祀多年未便刪除姑存之

新稿

陳晦字大著知蘄州有惠政魏了翁作詩送之載鶴山

文集舊志

元

趙箕翁至正間任州總管有廉名

通志

張好古字信甫器識宏遠勇而有謀授行軍千戶成宿

州中統間移戍蘄州

舊志

按元史世祖紀中統三年宋夏貴攻蘄縣張好古死

之蓋好古所戍乃蘄縣非蘄州也始存其略

新稿

解觀江西吉水進士任州錄事執法不撓

舊志

卜顏鐵木兒字珍卿至正十二年徐壽輝陷湖廣詔率

軍討之十三年自池州戰捷進攻蘄州擒偽帥鄒普

秦克其城進兵道士泐焚其柵欄抵蘭溪口賊之巢

白黃連砦又克而殲之分兵平兩巴河江路始通旋

蘄州志

卷之八

名宦

十

合兵攻蘄水拔其偽都獲將相而下四百餘人壽輝

僅以身免時諸將皆分道討賊卜顏鐵木兒獨控長

江十六年卒生平廉介人不敢干以私常乘花馬時

稱為花馬兒平章云

詳元史

明

夏元吉字維哲湘陰進士幼孤領鄉薦選入內庭書制

誥洪武三十一年以戶部左侍郎充採訪使尋出鎮

蘄州州人祠祀之

以下傳俱本舊志  
右採訪使

魏良輔字師召號此齋江西新建進士任湖廣僉事巡

撫翟瓚陸杰先後疏奏斬州宜設防道以資彈壓朝  
議推良輔嘉靖十七年任團練營伍整飭官弁東南  
指臂晏如也時悍民趙季鼎勾引外盜擾境良輔招  
鼎諭以利害卽令誘盜渠魁至滯山宣公命擒之斬  
境以安荆府胥吏擾民良輔一規以正荆王敬禮之  
公暇與諸生吳翼靈等講求正學皆知名於時以功  
擢山東左布政致仕歸移籍廣濟錢志據魏氏家  
乘補入不確  
劉光文字繼繩號亦齋四川閬中進士嘉靖二十三年  
任斬州鋤擊豪橫狐鼠屏跡甲辰乙巳仍歲大稔民

斬州志

卷之八

名宦

士

無敢剽劫四境晏如

卜大同字吉夫浙江秀水進士嘉靖二十五年任州僉  
事政尚清靜民賴以不擾

翁學淵字原道號丹山浙江遂昌進士嘉靖二十九年  
任州僉事興廢舉陞多善政前郝志淵有序

周美字濟叔崑山進士擢湖廣下江防兵備僉事沈毅  
縝密精兵法駐斬州當洞庭彭蠡之交久爲盜藪自  
畫飛船剽劫美立團操法作戰艘令材官日巡江上  
獲盜成獄卽日殪之盜由是戒不入境御下嚴峻雖

親故爲僚屬不假顏色暇則教課諸生頗多成就在  
官廉介去之日宦橐蕭然後數年其子不能存活遊  
至斬僉事戢汝止嘆曰此豈清白吏之左驗乎爲婚  
於斬遂家焉

侯堯封字欽之嘉定人以御史出僉楚臬治斬州潔已  
愛民知沿江盜多柯陳遺孽急清之又甄其父兄之  
良者諷諭之致感泣自縛其子弟沉之江彷彿朱子法  
設社倉五十餘所於斬口建飛梁築新生磯舟行無  
恐州人肖像祀於關聖祠

斬州志

卷之八

名宦

十三

丁繼嗣字國雲鄞縣進士建節之初留心造士後多顯  
達者設義民兵選士著兵民相安防捍周密後擢閩  
撫

韓紹歸安進士任州江防道性簡靜事近民情令行強  
禦雖藩府胥役必繩以法一時驕貴斂迹

黃仁榮字勉仁南昌舉人從臺中例轉風裁嚴整疾惡  
如仇懲府役之違例取息者毫不寬假境內肅然

韓孫愛字君溥慈谿進士累遷湖廣江防叅議執法嚴  
明課士興學修砌江岸及浮玉磯州人肖像祀之

胡世賞字爾思合州進士任監司雍容靜鎮不事操切  
後擢浙江右叅政

吳國仕字長谷歙縣進士隆慶間任州江防道推誠愛  
物捐俸數百金建文昌閣於浮玉磯置祀田二百石  
兼賑貧士歲爲例士民德之爲立報功祠 記詳藝文

王世德號廻溪永康進士任州江防道多惠政練達機  
宜留心課士親爲披閱簡拔其尤刻有麟鳳會業增  
築文昌閣磯嗣任李如檣建亭於上並祀報功祠

李若訥字季重臨邑進士任州江防道性仁孝治廉平

新州志

卷之八

名宦

三

暇則讀書課子後以進表行敝袍履褐圖書數篋而  
已官庖無宿儲纜市米數升僅供晨炊其清節如此  
陳應元字幼白福建進士任州江防道寬仁愛士洞悉  
民情以誑誤去官士民追念之後復陞登萊巡撫

范中彥字謙儒范縣進士任州江防道寬嚴兼盡扶善  
抑強繼遷守憲去

王相悅字鞠劬秦州進士以御史建言例轉防道留心  
申辨問斷必躬親片言而折暇則進諸生講課尋解  
任去民間謠云昔有羊叔子項仲宣何似我公廉我

公只飲江中水不取錙銖作孽錢

施元徵字曠如無錫進士任州防道才優應務督兵親  
擒麻城虎頭關寇宗藩不法者動色相戒攝學道篆  
考貢考優一清宿弊遠道來者不留時刻貧士感之  
唐登儁號灼洲富順進士任州防道簡易整肅不見威  
厲聽斷明決多所保全

張秉貞字坤安桐城人任蘄州防道器宇宏深才猷敏  
練時流寇隔里煙盤踞蘄鄉擄掠公親至渴口督勦  
賊遂遁去後遷廣平道臨行士民頂香遮道扳卧從

蘄州志

卷之八

名宦

古

未有也

舊志係進士今查未得

許文岐字我西杭州進士任州防道值獻賊陷蘄被執  
不屈拘留營內岐密約被掠良民期四月起義殲賊  
謀洩將殺之岐北向拜受刃死賜祭葬贈太僕卿詳

明史

已上江防道本傳詳藝文

左安善洪武初守蘄州路未幾改路爲府卽知府事創  
衙署興學校公勤廉潔惠政及人

徐麟本府廣濟人河南知府自陳便祿養親調知蘄州  
府以政績聞雖有創造民忘其勞

以上知府

孔思森先聖五十四代孫由鄉舉知州事洪武十年改府爲州設科條振綱紀節用愛人政治一新

楊琪由鄉舉知州事有惠政奉民部榜移建預備四倉調度民無所擾

李士安宣德間知州事伐石爲鄉舉題名碑風前勸後人益力學

王坦字子平鄆城舉人爲政寬平勸士愛民歷久不渝金銑字宗潤淮安山陽舉人知州事學博政敏興學校均徭役舉廢墜民感頌之有首菴集行世

蕪州志

卷之八

名宦

五

莊韜字仲與上元進士正統間知州事廉介仁惠建明倫堂築育堂貯書樓百務修舉不妨農時劇盜逼境有被戕害者憐恤之

詳通志

錢承德字世恒常熟進士知州事政簡刑清豪猾斂迹舉廢墜陳便宜獎進士類後擢副使

何綸順德舉人知州事廉介剛毅加意倉儲出納明慎一時攬納侵欺之弊胥清士民德之

葉仕美閩縣舉人知州事耿介剛明不爲時變所昧以直見忤於宗室一日遇諸塗宗室將辱之公正色曰

朝廷衣冠不可毀也宗室爲之歛衽正德八年霸州賊劉六劉七泝流來寇公單騎招民入守郡賴以安侯直字公繩華亭進士由主事知州事廉介愛民令行禁止不容私謁後擢陞副使

李純字在誠莆田進士正德中知州事潔已愛民遇事能斷旋改知欽州

周南字文化號宜齋南京羽林衛人嘉靖間知州事崇居大同二鄉遠在窮谷賦稅不以時至南仁明廉愛開誠布信無敢有後時者後陞藩府長史

蘄州志

卷之八

名宦

六

谷鍾秀餘姚進士嘉靖間知州事直諒子惠以循良聞石璽潞州舉人嘉靖末知州事荆王常洽淫暴璽密疏陳狀詔廢爲庶人

路雲龍宜興人進士知州事性剛介明於聽斷築隄防修津渡造掛口浮橋民受其利

徐希明上虞舉人知州事值歲歉黃梅盜逼州境同判官陳策協力防禦民賴以安又蘄江中石磯爲商船患築磯建亭於上名曰浮玉望者知所趨避今文昌閣基是



潘珏字玉宇婺源人知州事作阜民倉踰年大旱發倉賑民多所全濟益廣厥庾積至八萬石在任久不調

作歲寒亭記見志

按舊志稱珏由進士知州檢查未得志所載到任年分皆未可據也

鄭夢禎福建舉人知州事剛正不阿太監陳奉開採銀

礦檄禎監稅禎極言不便一切反奉意奉劾禎及江

防叅政沈孟化遂降調去

何之圖字見羲婺源舉人知州事素有文名吏才精敏在任年餘四境恬安以事去州人惜之

倫應祥東莞舉人知州事廉惠精明重建東南二城樓

蕪州志

卷之八

名宦

七

費約而功倍後陞審理

錢兆元字長人仁和舉人天啟間知州事深明理學行

事法古每聽斷必焚香告天服則進諸生講課時三

王之國供用浩繁民多驚懼元以身任之民無擾後

陞辰州同知泣送者萬計立詠德祠於江干以祀之

詳通志

唐世照字伯闇灌陽舉人崇禎末知州事明敏勤勞時

流寇隔里煙竄處青山鄉民多流離照於附城掘濠

築險分任流民日夜巡緝寇不敢窺尋以勞瘁致疾

卒

已上知州

俞敬字一中號沙泉永康進士歷刑部員外郎左遷州同知廉介愛民興學勸士公暇則吟咏自適後陞惠州知府

趙廷松字子後號侯齋浙江樂清進士任刑部主事以不附權貴左遷州同知工詩文善書聽斷公明無敢黃緣後官陝西左布政

已上州同

傅舟永樂間任州學正文學淹博應詔與脩性理大全董佐號勿菴撫州臨川舉人授州學正博文識精性理

蕪州志

卷之八

名宦

六

師道大振後家於蕪

林宗字存敬號敬齋莆田人天順中授州學正課習諸生諄諄誘掖士人於學宮祠祀之

記詳藝文

王舜卿字師禹號慎菴閩縣舉人任州學正敏而好古文習爲之一變士有婚喪不舉者捐俸給之後官於

廣東僉事

已上學正

裴文采字尙質河南真陽人由貢生任州訓導古貌古心待諸生義處僚友和陞獲鹿教諭去任有泣下者

右訓導

張宏宜字時措華亭進士東海弼之長子也以監察御史謫州判官吏事精悉才斷過人轉沔陽知州擢副使

陳策江西貢生萬歷中州判黃梅賊梅鏗詹三漢等倡亂踞州之柴家山楚撫約南操江合兵征剿知州徐希明同策居中調度指授方畧策奮勇突陣賊以鉤中之不屈死後賊平獲策屍面如生詳通志 以上通判

國朝

范鳴珂字鴻盤威遠衛人由恩貢任州江防道

蕪州志

卷之八

名宦

九

國朝初定當兵燹之餘人民凋喪廬室蕩然鳴珂多方撫綏稍復生理丁亥九江之變督禦躬親持以靜鎮民不驚擾尤所難也

周漢傑字房仲安福舉人任州江防道清平惠愛甫一年辭去

吳之九字象賢永年舉人任州江防道浹泊質直待人以誠卒於任

王顯字純白曲周進士任州江防道振飭風厲而宅衷甚平開崇正堂課士一時名士樂從之遊

呂陽號全五無錫進士以辟薦任州江防道神明獨斷  
吏役屏息行保甲造巡船增瞭臺以清盜源自潯陽  
至漢川民咸安堵新斲學宮課士衡文循循若師友  
尋罷去州人至今頌之

趙映乘字涵章祥符進士任州江防道溫醇沉靜有古  
重臣風

汪繼昌字徵五休寧進士順治間任州江防道時斲民  
新集丈量混淆王庄多賠累繼昌銳意釐剔蒞任未  
久去論者惜之

新州志

卷之八

名宦

三

劉緝堯號無麤曲沃進士任州江防道潔已愛民畱心  
政治在任未久以憂去

楊志遠字宜爾丹陽進士順治間任州江防道以儉養  
廉以勤弭盜凡聽斷曲爲曉譬多感泣去者

楊大鯤字陶雲武進進士康熙間任州江防道博雅寬  
和立程校士所拔多名篇

徐惺字子星崑山進士康熙間任州江防道多惠政歲  
歉施賑全活甚衆建奎星樓與州人士吟咏其中風

雅冠時

已上江防道

韓友字心吾陝西人長弓弩諳方畧順治四年以叅將  
駐防時英霍土寇猖獗踞斬上鄉友扼險設伏擒偽  
總兵曹德參蕩平四十八砦及江州偽將吳高率舟  
師攻斬臨城下友開門迎擊一戰而殲之鎮斬六載  
人民安堵援勦沅州陞沅總兵去州人祠祀之右叅將  
程士然字燕又浙江武舉任州營守備訓練有方尋陞  
夔州游擊調漳州以不附耿逆遇害贈懷遠將軍其  
女許字蘄州舉人顧昌弟鵬眷屬送女至斬遂家焉  
右營守備

蘄州志

卷之八

名宦

三

張定邦遼陽生員順治二年知州事當殘破之餘生理  
未復定邦政尚簡易催科不擾民甚愛之擢德安知  
府

方于光號澄嵐大興進士知州事器識通朗時州田糧  
隱漏里役不均于光清積弊均勞逸貧民受利

金貴號小泉遼東人知州事治務簡靜斬處江干最苦  
往來供役貴預策酬應悉身任之民無所擾序詳藝文

王宗堯號銘一廣寧蔭生順治間知州事州治廟學燬  
於寇宗堯鼎新之民困於徭役宗堯請給僱役官錢

民大稱便

李成材奉天貢生康熙間知州事居官勤慎修舉廢墜不遺餘力境內稱治

劉國輔字長民奉天監生康熙間知州事官斬最久諸弊革除時稱鐵面劉

王玠字寶峰奉天蔭生康熙間知州事斷獄明決暇則與諸生爲詩文課援筆立就歷十載陞石阡太守官至州藩

華文振字奎一宿州監生雍正間知州事以慈祥稱調

蕪州志

卷之八

名宦

三

郴州去攀轅祖錢者累日

蔣嘉年奉天例監雍正間知州事廉明公正案無留牘有利民者毅然爲之積弊剔除殆盡陞揚州太守轉甘肅臬司

劉淑字文翎臨汾貢生商籍揚州雍正間知州事性慈愛死罪輒不忍決甫一載因疾致仕瀕行念窮民逋欠社穀無償悉爲代完以紓民困民歌思之

蔣尙德字德興奉天舉人乾隆八年知州事性醇厚引接善類平反疑獄興作不病民浚隍渠引渠水入江

水利以通移建營署置書院給諸生膏火前後捐俸若干載各碑記公暇與諸生剖晰源流往復不倦由是人益勵學後以疾卒於州

李琚字君采號靜軒陝西靈州進士乾隆庚午知州事甫下車搜沉卷三百餘審理案牘一空遇疑獄片言立決人稱神君姦民馬朝柱謀叛公偵知其實親赴楊河等處設法擒緝獲其軍器圖札翦其黨羽兵不勞而事寢斬黃諸境晏如也以軍功陞本府太守甞人作頌立石焉以上舊志

新州志

卷之八

名宦

三

錢盩號檢亭常熟舉人知州事蒞任數年惠民不可枚舉至於重新書院勸捐增置田課備生童膏火又以其羨餘周寒雋尤爲愛士之實心乾隆乙亥與學師程拳時纂修邑志百年來俾後得以有所本者皆公之力也

劉義山東進士漢陽府同知攝州篆釐蠹剔弊有剛直聲

張金管浙江烏程監生以字學考取授通判乾隆三十二年署州篆衣布茹蔬清操自勵陞襄陽知府

謝夢草號西堂東官進士乾隆三十九年知州事多善政勸修文廟文昌閣以培士風

陳嘉謨錢塘進士知州事性廉介治嚴明士民稱之陞施南知府

李國騏廣東嘉應舉人知州事慈惠公平人不敢欺家世科第自康熙丁卯至乾隆癸酉兩翰林三進士鄉榜二十三人至今綿盛未艾

德泰滿洲正白旗人乾隆四十五年知州事時年二十餘崇儒術尚禮教治化一新陞漢陽知府官至川藩

蘄州志

卷之八

名宦

三

胡齊崙號學山會稽人乾隆五十四年由兵馬司副指揮補知蘄州多善政著有學山堂遺稿政蹟載稿中曾維道直隸拔貢乾隆五十九年知州事潔已奉公勞心撫字時襄鄖教匪滋擾蘄地當上下游之衝調撥差遣軍需旁午公籌辦悉協而民不驚會憂計至大吏慰留事平而後去士民遮道頂香泣送者眾

魏肇高號濼園柏鄉人戊戌進士嘉慶二年知州事廉明慈愛尤汲引孤寒公暇與諸生講道論文粹然儒者之言解任時行李蕭然送者流涕



范寶瓌號六泉嘉善人庚子進士性廉明威重寡言笑  
任靳十二載門無私謁人呼爲冷面鐵心甲子鄉闈  
同考官所得皆知名士以疾歸奔送者呼聲震地  
椿齡號繩山漢軍鑲黃旗人已未進士清介自矢禮讓  
化民質托之弊悉絕捐脩麟山書院並肄業齋房費  
數百金士林戴之戊辰同考官以得人稱後補興國  
知州亦多善政

顧澍號伴繁錢塘舉人任靳十二載性和政簡與民休  
息著有金粟影菴詩玉堂試帖詩餘等集士林珍之

靳州志

卷之八

名宦

三

勸脩文廟城垣並奎閣以績著後擢德安同知

李諤號蓮峰解州進士道光三年知州事樸素剛直內  
外莫敢干以私聽斷明決人稱鐵面鏡心常平倉朽  
壤公脩補添建以廣積貯後多賴之

碑詳藝文

馬鴻圖號朗齋山東蔭生道光十三年署州事勤慎明  
敏民間疾苦利弊悉親身訪之尤嚴緝捕盜賊遠颺  
夜戶不閉去之日焚頂泣送者塞途

林壽平號櫟夫福建侯官人壬午舉人道光十八年署  
州事德性堅定達於事理愛民若子課士如師勸脩

本城東西義學以育貧儒捐建北檀社稷壇以重農桑又勸捐考棚士民愛戴至今俎豆焉

劉鴻庚號西垣會稽舉人道光二十年署州事潔已愛民教育士類適洋匪滋事兵差羽檄絡繹不絕人心惶懼公籌辦安慰毫無驚擾捐書院膏火重脩考棚皆竭力經營至今歌頌之

陸恩紱號晴嵐浙江蔭生道光二十二年署州事敬以持已廉以勵操添脩考棚以廣童試士林便之

俱知州以

上新增

蘄州志

卷之八

名宦

三

劉清史監利舉人康熙間學正工制舉業課諸生有法李功永字書竹黃陂舉人乾隆間以聞喜知縣改任學正性恬靜課士之暇窮經不輟

王世法字民表號兩橋江夏舉人原籍蘄州自祖遷江夏其父昆季以科名盛世法補州學正桑梓之鄉尤相敬愛以文求正者觸手輒應丁外艱去

以上舊志

程大中字拳時號是菴應城舉人爲州學正訓士有法先品行而文藝次之待門生若子姪然由學官成進士文章學問卓越一時學者宗之如泰山北斗乾隆

乙亥與州牧錢檢亭纂修邑志生平著述甚富四書  
逸箋採入四庫館其餘在山堂集甲乙存稿等書俱

梓行以上學正 碑詳 藝文 新增

甘昌祚字景卜漢陽歲貢雍正間訓導時廟學頽圯昌  
祚修督罔懈日置座楹廡間與諸生啜酒茗論文學

正朱銓暨紳士皆樂與遊右訓導

宋文楷武安人康熙間州判勤敏有政聲

孫衍慶北直例監雍正間州判明敏稱職卒於任

王士讓福建五經副榜乾隆間州判文學淹雅曾充三

新州志 卷之八 名宦

禮纂脩工蘭石畫卒於任以上州判 俱舊志

項厚字博安錢塘生員康熙間吏目工詩古文勤於供  
職守憲孟世泰署其堂稱賢而隱於下位者也予告

歸

任蔣坵蕭山生員乾隆間吏目好論文研究根柢士多  
從之

陳以績字熙載如臯生員乾隆間吏目擒緝有方壬申

平馬逆叙軍功以績與焉已上吏目 俱舊志

